

大清光緒十四年

本館新聞除禮拜外日出一
紙 諸君賜閱本報者無論
本埠外埠均可函致本館取
閱如外埠閱報須加寄費不
也除日報照常刊送外復不
惜工本從英國採辦釘書機
紙各機器以待與 各官商
刊印書籍單件並有英國各
種活字及各式花邊等延有
西人操印工藝甚精所有中
西文字均能刊印並有石板
印字大小機器均用精工

第 二 千 零 六 十 二 號

申報

本館開設在舊巴路口門牌第十四號

印工總絕倫前延有文士書
寫各體文字現由上海購到
各種書籍出售其書目另行
刊佈所有各項價甚相宜再
本館所登來札原擇其有關
世道人心者附登否亦須無
礙於人而後始錄其有謬屬
成文以及支離費解者概不
登報嗣後 諸君來札尚祈
自諒更須寫實里而後致
辱但來稿登與不登均不能
將原稿收回也 本館謹白

戊子九月初一日

凡刊印告白每行每日取銀一分 凡刊印告白每行每日取銀一分 凡刊印告白每行每日取銀一分

寄報聲明 ○啟者本報所出報紙其價係按年而算而半年開單一次領取費此與零沽者有
所不同近見外埠諸君取閱本報者或有僅一二月之久即為止其更有取巧者取閱本報迨屆半年開
單往收報費之時則竟託詞謂已致函本報請為停寄何以復送前來遂即欲圖沒報資殊堪痛恨竊思
本館之報原期大眾同觀事之濟否不在一人倘不欲賜閱即以一函投諸本館斷無有不為之止截豈有
強人看閱之理則此等之詐可知茲特聲明 諸君止看本報者必須作函由國家信館寄功投之本館
始為准信倘本館未接來函而為派送則不妨再為示教至於取閱報紙必須至一年半年方能止截否即
作為零沽當按價索償勿謂言之不預也特此聲明
本館謹白

論荷屬土人思亂之故

前報疊言荷屬爪亞各地其爪亞土人咸思變亂一時中西商人均無不為之惴惴誠恐變亂一作則商局
必有所不堪也客有久旅於爪亞地方者偶然過從談及此事客嘆然曰斯亂也吾於前數年已逆料之雖
今日者其亂猶未即成然不出於一戰不能了息也雖然吾子其亦知變亂所由起乎曰大抵亦因稅餉之
太繁所致耳客曰稅餉之繁固足以滋民怨矣然其所抽之餉則不僅爪亞之人為然也如華人亦如是抽
捐且其項尤繁何以不聞華人之思變僅曰土人之思變乎不知此中實有甚慮之政存焉也未在該處久
居者則鮮有能知其故今請為吾子述之可乎余曰唯唯客曰荷人政令夫固人皆知其慮矣然所謂慮者
不過重抽餉稅與夫輕罪重刑而已不知其待土人之法更有一甚慮之端其事為何則蓋荷人政令夫固
爪亞土人均須充當稅役無論貧富老弱及年而後即為國家充役其充役之法則每禮拜充當一日所執
之役如燃街燈掃道路等一切最苦最賤之役自壯及老均須充役即有寒暑疾病弗能免也婚喪大故不
能辭也見一人即派一人之役如其家有父子兄弟數人者亦皆如是此其甚慮實為聞所未聞然欲免此
稅役者則惟言往麥加地方參謁回教祖墓而回則列為紳族可免供稅以故爪亞諸富人均無不往朝麥
加之墓即中人之產亦勉強措辦資財以為路費惟貧者無力遠出故受荷人所制諸多束縛無得自由以
故爪亞之人恨荷甚深則此次思亂之由諒亦由茲而起也客言若此嗟乎荷政如是則尚成何治體哉夫
稅役一端實為古來之弊政昔秦政築長城而徵民力舉行抽丁之法然不過如五丁抽一三丁抽一耳而
一時民怨猶且甚滋未幾而遂致四海沸騰羣雄競起卒遷秦社然則以天子之尊抽民稅役且有不可況
所有居民皆須充當苦役乎夫荷稅之繁也亦甚矣居其地者已不能堪然則正宜休民更何可重加徵取
今荷命諸土人執役雖非曰徵其稅然行是法則較諸徵稅為尤苛蓋所有供役之人均須自備糧食而與
國家辦公且並無工資給發然則七日之內即耗一日之工是不殊以七抽一也什一之抽則人猶以為重
況七一之抽乎又況重賦之餘更為此七一之抽乎夫爪亞之人其稍富者則皆往遊麥加莫免稅役矣而
所有充役者皆屬貧困之輩夫彼貧民每日所入恐已不敷所出而且一家數口待哺嗷嗷在平時尚不免
於飢寒况更征其力役乎夫彼貧民既與國家執一日之役即致曠一日之工則必乏一日
之食加以風雨之不時疾病之或作然則能出而覓食者能有幾時嗚呼民之窘瘁也如斯安得不逼而生
亂耶因按西法凡諸囚犯向有充當苦工之例則荷境之役命諸囚為之已足更何須役及平民如以此事
非囚犯之所能則又何妨由國家為之僱用安有荷國之大催請工人向無所需費而須役及平民也哉嗚
呼荷政之虐一至於斯更加以其稅餉之繁其政令之苛無一有益於民而無怪人心之離散也噫荷亦將
為何計哉

諭恭旨錄

○八月初四日奉 上諭劉銘傳奏神靈顯應請頒匾額等語臺灣新竹縣城內 城
隍廟 龍神廟及南門外 觀音廟夙著靈應上年六月天氣久旱經該地方官虔詣祈禱如響斯應年豐
有秋實深實感著南書房翰林恭書匾額各一方交劉銘傳領領匾額分詣該廟懸掛以答 神庥欽此○
初五日禮部奏請換戴煖帽日期奉 旨著於本月二十六日○初十日奉 上諭江蘇按察使著陳欽銘
補授欽此同日奉 上諭御史何福堅奏刑部監禁人犯太多請飭迅速清理並各省管押案犯嚴飭詳報
榜示各摺片京外問刑衙門審理案件必須迅速斷結方不至拖累案懸莫結殊不足以昭矜恤著刑部堂

趙家瑞准其車馬加一級仍註冊候升吏部主事侯本杰吏部筆帖式果徐阿俱准其補授欽此 旨巡視中城事務着文敬去欽此 旨巡視西城事務着文郁去欽此

德京電報 ○廿六日德京發來電報云德員然漢現已被德廷執獲係德機密之事是即昨報所言因德皇日記之事而起也查德皇日記計共二十本皆皇親筆所撰本與其後收獲迫皇崩今皇繼立因向太后取射先皇日記太后先不允給之嗣皇耐甚堅且常借故生端亦緣此事太后不堪其窘故怒而與之至於前日德報所述德皇日記之事乃緣先皇當日為日記時常舉其妻與然觀者故然得以略記數條故報於該報為之登錄耳查各國定例凡有國家機密不能宣揚惟英國則向無此例章今然既被執不知能免其辜否幸而獲免則無論矣倘屬有罪則所罰誠為甚重是殆因其得罪於當道也噫

官輪赴彭 ○本坡何士麥官輪前日奉命由叻前往彭亨船中載有委員屈里弗君往彭公幹蓋君係奉施制府之命往彭以代督國

法心區測

○前者法國派駐暹羅不刺望之領事官曾由該處探道言往河內地方水陸并進沿途繪圖貼說此事曾經列報識者已知法人此舉非存善意於其中現聞該領事將所探得之情形及所有圖說寄於法廷并聞法京有商人三名現已預備雜物往暹不刺望地方以便與其土人交易觀此一事則法之虛心積慮不可概見也

海風多厲

○前日英國郵船馬路亞由上海啟行抵叻據船中人謂此次沿途海風甚狂浪湧波濤搖搖靡定其一號大艙亦不能居於船面即一號之客廳亦經入水則風浪之狂可見矣然是不過平常風浪尚且有然况遇颶即行船之險如是如是

別有見解

○英國某日報有言現英有一格致之士以化學究茶之用據謂茶實為有毒不宜多飲云云是說也海關聞所未聞想茶葉一項中國通行者已千百年近來西國亦已通行至於中國之人所飲皆茶若如所言則恐中國之民已無瞧類即西國之民恐亦無瞧類矣既云有毒何以并不傷人哉惟彼既稱格致之人則其所言諒亦未嘗無故然吾則終不敢為之盡信也

花會案錄

○廿七日巡理府左堂審訊花會案一起被告為蔡開發寓居勿洛地方以私開花會為巡賭西差馬堅多士所獲是日審訊以証顯然案無遁飾因判被告罰銀五百元無銀監禁四閱月

警憲有志

○本坡華商朱君佛倫之子逢祥前在本坡大書院攻習英文所學有成業經考列超等因蒙國家發往英京讀律其費用則由國家為之支出現該學童已於本日郵船啟行往英矣因記前者本坡有林君天堯之子亦經試列前茅經國家給費赴英請習先欲學攻黃之術既而接其函信言學醫一事日與病者周旋剖肉割膿殊為不潔故而改學狀師然則本坡生長之人現有二名在英肄業將來學成回叻則叻地又有華人狀師而於華民隱衷則更易於上達矣豈不快哉

幸保首領

○人生制行莫不以謙抑為先苟或傲骨嶙峋與世周旋到處皆成危地禍福無門惟人自召然則人顧可不慎乎哉聞有粵人陳某者客叻多年營生獲利惟秉性倨傲接物待人每不當章轍不能容務欲較其是非人為我屈而後已意氣未平此緣陶治未深故也雖然寰區落落嗚是說我之人怨府其身勢難或免然陳近購一中和船由叻與人運貨往來意訖地方時有穆拉油人某甲者剛愎之徒也於前數夜與陳不知緣何事故頓起猜嫌因與陳始相角口繼至用武陳勢勇弗敵而甲復持利刃有欲得陳而甘心者陳至是畏彼兇凌挺身入水以圖脫避不料甲亦素知水性復隨躍水以砍之幸時夜深飄淡遠颺未能故陳潛至鄰舟暗聲呼救適有閩籍榜人察其所因急而拯之嗣陳告厥類不幸該榜人為之極力調停勸陳出英銀六十元以作負荆之典而甲始復厥事聞甲初欲與陳為難大有誓將寶劍斬樓蘭之概今幸償洋了事而陳之得保首領皆該榜人之力量所致也現陳業已操舟回叻據謂不敢復往該埠寧作避地之舉善哉此遠禍之道也夫

冰銷瓦解

○昨錄開導愚頑一節緣有粵籍甲乙兩會黨在牛車水連日交擊殊屬騷擾地方故總巡捕官蘭君親視情形實深痛恨轉念該毆徒賦性雖愚頑誰非蒼生赤子用是飭差傳甲乙兩會長赴於案前開誠布公多方化導務着兩會長彈壓眾化厥戾不使復行構衅以貽地方之憂並着客籍會長為和事老人從兩造調停善圖事乎自是各會長遵諭而去故客籍會長究兩造構衅之由據謂甲黨於理不直着彼負荆以贖前愆之失甲黨會長已如所勸因備禮誌咎而乙黨會長由是遍導黨眾頓把前仇瓦解從茲樂國安居可無詐虞之患矣故各會長業已復赴於蘭君案前而覆命云

重儆門徒

○昨錄牛車水有粵籍甲乙兩黨交擊被差先後執獲毆徒逮案其於先所拘毆徒三人者業於廿六日府尊提訊經已按律懲辦惟於後所拘毆徒二人者廿七日府尊復為提案訊鞫終以該毆徒持械交擊究屬異常胆玩爰為按法重懲判該毆徒各罰英銀十元以蔽厥辜至於兩黨交擊之時向有被毆重傷計有二人經差解赴國家醫院求治猶未告痊料亦創愈而後始為對簿公庭云

恭迎神甫

○二十七日有葡荷牙國之某神甫者由香港乘輪抵叻是日彼都人士恭敬致禮迎迓道範莫不以得瞻風采為欣聞該神甫現在小坡該族之禮拜堂暫作居停之所然該神甫以抱道之期周遊列國以宣文教想不日又復沽帆他適矣

補款述聞 ○七月初間京中傳稱戶部因鄭工需款孔亟曾於六月二十間會同總署兩次奏請貸洋款銀二百萬兩以濟鄭工續
要需前聞頭次借款擬作一年限期二次借款擬作五年限期奏由各海關徵收洋藥稅釐項下均勻撥還聞此奉 旨依議由戶部五百里
飛咨各省督撫監督關道一體遵行矣

預度新年 ○客有從隴城縣伍佑場來者述及該處瘟疫較他處尤盛居民入市購物身畔咸佩腰牌上載名氏住址蓋住往行路猝
倒而亡無人識認材板舖晝夜工作向時時告罄實近年未有之災地方官廟祈禱紳士做會建醮皆無靈效該處居民法盡計窮乃妙想非非
公議得一禳解之法先期傳播遍合閭境居民預度新年意謂天增歲月人增壽彼降災之神知各人災難已過即可他徙遂擇七月二十二日
為除夕二十三為元旦除夕之夜各家亦辭年接電燃炭炭欲屠蘇分贈兒女壓錢錢文一切皆備俗例元旦日各店停市互相賀年客云是日
適舟過是處偶登岸訪友瞥見街上關門閉戶第聞鑼鼓聲爆竹聲以及焚松柏枝香味家家門首桃符煥彩門對燦然一新大似燕語鶯啼景
象不禁詫異甚亦幾幾乎忘却為已涼天氣未寒時也繼見駛來報往之賀年者濟楚衣冠冠冠惟絡維維非非朝帽狐裘始恍悟不禁啞然笑而
慨然嘆斯人之妙想天開出人意外噫斯真可謂聞所未聞矣

裁撤病勇 ○台北昌字三營自入夏以來死者甚眾餘亦病骨支離不堪操練現擬酌量裁撤將病者用兵輪裝載內渡再由江南一
帶招募壯丁來台補額又前報所登統領台北銘字全軍劉輔臣軍門病故一節其管轄隨蘇健濟軍門兼管現聞省帥又函致統領蘇省防營
之賈雨村軍門前來接管想旌節不日當可抵台也

出示場題 ○杭人以錢大主考前在廣東出題子產兩章吳大主考前在江西出題子曰知之者兩章在河南出題子曰君子矜
而不爭兩章故疑今屆闈題謂當是子曰苟有用我者兩章此言一出士子各作一藝揣摩純熟請名手代作或求老師刪改正忙碌間而靜帥
考試學海堂即出此題人又謂既已知此闈中決不再出於是有扶乩者問闈中題目得某三三華六六兩句測者謂定是子曰知之者不惑兩章
以上草松柏有菓下章唐隸是華而三三六六四字亦有着落故也士子得此信息不論本城外府咸殫厥思力各成一藝真似闈中題紙已下
者是果操何左秀而深信不疑如此耶亦可哂之至矣

激怒祖先 ○凡人溺情花柳以至蕩產傾家不特人皆賤之即宗祖有靈亦應九泉含怒矣聞肇城某甲年甫三十放蕩不羈日與相
友往來動費千金一買羣花之笑由是昔時第宅轉易他人先代田園半歸新主人有以破家子笑之而甲不顧也茲於月之初二携一愛妓乘
坐肩輿始遊星巖次到梅庵等處歸途已晚忽遇二老人扶杖而來呼之下與責以家業退敗甲時罔罔不知其為何許人乃曰爾外人何得
周中之事耶遂不聽受老人怒即以所扶之杖向腰亂叩不已與夫及妓均退避不敢近但呼人赴救而甲已痛楚不堪仆於地矣後將甲昇歸
詎料行不數武聞回首一觀覺此老人忽失所在杳無蹤跡眾皆不明其故識者疑為甲祖先云

東報彙譯 ○丸山即松柏樓洋菜館主人茂勝太郎患瘋病於十一日出外不歸頃日鄰里鄉黨抽派人夫各着草履手携竹枝燈
柵不分晝夜向川澤山林分投呼喚蓋日本每遇有人走失恐或被狐攝匿故如此也詎茂勝太郎距小島鄉半里許林中自縊殞命找者驚見
體已黑腐蛆蛆蟻遂斷其家及警察署檢視殮埋無端竟死未始非宿冤也○近日天氣亢旱農家祈雨甚殷當晝酷熱炎帝流火鑠金患赤
痢者層見疊出中浦山淵寺野鄉地方住戶不多而患此疾者十三人已死其餘未卜存亡又有福山村三四人亦患此病推其原未始非
天時不和飲食不節之故也○上長輪村巖原鄉人廣田良造之妻懷孕臨月強意出遊由高島水陸而歸腹中作痛僱車飛馳至半途豐後町
已分曉矣行人聞呱呱之聲蜂擁來觀詫為奇事有人暫假房屋令其息息迨巡捕聞知始將其母子送歸○大和國浮上郡五條町有旅店名
吉野樓其側有大樟木半生石間浮長地上不過六尺之高枝葉圍圍約廣百尺此處有神武帝靈祠祠旁有一空洞噴出清水居人汲而飲之
父老相傳昔大古神武天王長髓彥出征時在樹下憩息故建此祠且以洞中之水飲之而免瘟疫諸病檢至今人皆樂飲此水也

京報選錄 ○廣西巡撫臣沈秉成跪 奏為更補通判恭摺仰祈 聖鑒事竊照海州府木樓通判勞文蔚調補遺缺經前護撫臣李
秉衡會同督臣張之洞請以候補班前補用通判蔣志持題補並准部議核與定章不符應按照定章另行更補等因自應查照辦理查廣西選
缺通判一項自接到一咨二留新章後係第一次出缺照章應歸外補按班應用海防新班先查海防新班先海防新班即舊例備捐遇缺先
捐遇缺均無人應用候補正班之人請補茲據藩司馬不瑜臬司張聯桂會詳請以候補通判黃士登奏請更補前來臣查黃士登年五十一歲
廣東東州府龍州縣人由監生薄備餉例報捐分缺先通判指省廣西並加提舉銜同治九年閏十月初十日蒙 欽派王大臣驗放十一日覆
奏奉 旨着照例前往欽此二十日領照起程同治十年正月接奉行知前在甘肅秦州糧臺辦糧餉屢次帶勇護解途遇賊匪隨時擊退出
緒元年十月二十五日到任四年飭委兼理柳城縣知縣三月二十六日交卸仍回本任四月十五日在任丁憂二十日交卸請各回籍守制原
關呈報起復十一年七遵例呈請分發原省候補八月初十日蒙 欽派大臣驗放十一日奉 旨着照例前往欽此二十日領照起程十

欽派大臣驗放十一日奉 旨着照例前往欽此二十日領照起程十

欽派大臣驗放十一日奉 旨着照例前往欽此二十日領照起程十

二年三月二十七日到省該員心地明白辦事慎慎以之請補漳州府通判實屬人地相宜與例亦相符應仰懇 天恩俯准以黃士夏更補漳州府通判如蒙 俞允該員係曾任實缺通判請補通判銜缺相當毋請送部引 見亦無庸核計參案再此案經部議覆補坐於光緒十四年二月二十六日行文應按限減半扣選限五十日又補缺定限九十日會銜例限三十日統應扣至十四年八月十六日限滿今在限內請補並無遲逾合併陳明請會同兩廣總督臣張之洞恭摺具奏伏乞 皇太后 皇上聖鑒 勅部核覆施行謹 奏奉 硃批吏部知道欽此

○沈秉成片 再武緣縣署匪徒夥多逆首藍妙官帶傷逃匿懇請拿於上年十二月十九日附片具 奏在案臣於本年正月二十七日奉到 硃批知道了仍著督飭嚴拿藍妙官務獲究辦勿任漏網出力各員准俟首犯獲獲後即行開缺欽此欽遵轉飭屬事去後該縣臬司謝祥桂訪聞該匪藍妙官潛逃來省當經派人密查於本年三月初八日設法誘擒獲於林府訊據藍妙官供認糾黨劫劫村莊抗拒官兵等情不諱行兇被奪之匪建玉到案實屬係藍妙官正身由司具稟前來臣提案覆訊無異查藍妙官係編網匪徒復敢糾黨滋擾抗官拒捕實屬不法未便久稽頭黨當即飭令正法傳首犯事地方懸竿示眾以昭炯戒所有在事出力各員容臣欽遵 批驗擇尤酌量優敘恩施理合會同兩廣總督臣張之洞附片具陳伏乞 聖鑒 奏奉 硃批該部知道欽此 ○曾國基片 再投標學習人員迭經前督臣等 奏請留江補用均經先後奉 旨允准在案茲查有總兵銜儘先副將鄧永發儘先遊擊張陞與都司銜儘先守備楊桂林施興隆儘先守備上謙吉歷在江皖等省迭著戰功嗣經投標差遣於營伍地方均稱熟悉惟該員等原保未留官分現在兩江整頓營伍正值需材之際合無仰懇 天恩俯准將該員等各以原官留於兩江分別酌量補用以收人地相宜之效除飭取履歷咨部查核外謹附片陳請伏乞 聖鑒訓示再鄧永發係長江水師出身飭查該員於江蘇洋面不甚熟悉情願改歸兩江陸路候補合併陳明謹 奏奉 硃批著照所請兵部知道欽此

貴重屋地出投 ○啟者茲定於西本月十一號即華九月初七日禮拜四下午二點鐘在本館內拍賣貴重屋地二區其地皆坐落附近陸嶺山脚之東陵地方大共八萬五千六百六十五丁方英尺業已建有屋宇并餘地基二段其屋新建未久甚為堅固每月每間租銀可值四十五元其地乃承讓自主之業 諸君有合意購置者請屆期 玉臨投買是荷 大英一千八百八十八年十月四號 巴越館主謹啟

憲示 ○此字示知各色人等知悉國家前在維多利亞街所設之產婦醫院現已定於即日開辦特此示知 大英一千八百八十八年十月三號 輔政司示

北慕娘招商承餉告示 ○北慕娘輔政使司呂 為招商承充餉碼事照得本司現奉 督憲札開本境各餉碼將屆滿期照例招商承充等因奉此合行出示曉諭仰商民人等一體知悉本居承充各餉碼以一年為期由西一千八百八十九年正月一號起至年底止其承充北慕娘全境鴉片餉碼者則由南境寶卑東河巴那土地方起至東境西目高地方止或分段承充亦無不可茲將分段界址列左 東方烟碼則由丹戎蘇葛至西目高地方而施牙馬金山 拿為灣 仙那港灣 近那馬打眼 施牙馬 刺穆 蘇葛及各小港皆在其內 南方烟碼則由伊拿那蘭東至寶卑東河及巴那士止而蠻外 響多呂灣及各小港皆在其內 古達烟碼則響多呂灣 蠻外及各小港皆在其內 牙惹烟碼則牙惹嶼 淡巴索 亞羅 暗望灣 多亞蘭 浮打丹 加汪 班牙力 巴八 該馬尼士 登牙灣及各小港皆在其內 巴那士烟碼則掛鴨班油 忌里亞士巴拿士灣至寶卑東以內一帶各小港皆在其內以上各處烟碼章程均照本境現行之章而行 沽烟價銀開列 每銀十元沽烟六兩八錢 每銀五元沽烟三兩二錢五分 每銀一元沽烟六錢二分 每銀五角沽烟三錢九分 每銀一角九占沽烟一錢 每銀二仙沽烟一分 生土每顆沽銀三十八元 其東方酒碼亦照以上所開之界址內 當碼則在仙那港坡 賭碼亦在仙那港坡 古達南境不羅民亞路士略之酒當賭及雜烟餉碼亦照以上所列地方 不羅民加卑路地方乃在牙惹南境所有各碼亦照以上所列 浮羅民頗亦設酒賭當雜烟及膏勝煎碼 以上所列各碼如入票者必須將其人之姓名住址及所操何業并其保人之姓名住址及所操何業一一列明票內并須書明承充某地每月繳餉餉銀若干所有各票定於西十一月十五號即華十月十二日以前須為封固寄交本署而古達 牙惹及巴那士之票則可就近交各該處之地方官如各票欲寫華字亦從其便惟入票人或代理人須當面將票內所言讀與收票官聽俾得國家量為乘取如欲知其詳細者可向仙那港庫務司署或各地方官署詢問如在港叻兩處則向本境之代理人處詢問可也各宜踴躍勿存觀望切切此諭 大英一千八百八十八年十月三號 示

敬頌名醫 ○嘗思人有疾病而不認真醫治是自誤其命也欲醫治而不講求名醫又更誤也每見英偉強壯之年偶有疾病即委靡不振者良可慨也茲英國醫官馬吉里士珍係本坡花旗領事之愛婿也先生精究醫學存心濟世余兩小兒巨川文英曾染沉痾危在旦夕幸逢先生一投藥石頓覺精神爽快連服數劑元氣全復是其再親天日亦先生之賜也用誌數言以謝先生耳倘諸君有欲請教者可到高勞德藥店詢之便妥特此佈聞 光緒十四年戊子八月廿七日 振成陳金鏡謹啟

光緒十四年戊子八月廿七日

